

**Kommuneqarfik Sermersuumi,  
kommunalbestyrelsimi 2017-mit - 2021-mut  
suleqatigiinnissamut isumaqatigiissut  
Inuit Ataqtigiit aamma Demokraatit  
akornanni**

**- Kommuni illoqarfittut  
pingaarnersaqarfik siuariartorfiusoq**

*Siuariartorneq – Toqqissisimaneq  
– Inerikkiartorneq*



**INUIT ATAQTIGIIT**



**DEMOKRAATIT**

# Kommuneqarfik Sermersooq – kommuni illoqarfittut pingaarnersaqarfiusoq siumukarfiusoq

## Siuariartorneq – Toqqissisimaneq - Inerikkiartorneq

Inuit Ataqtigiit aamma Demokraatit piffissami qinigaaffimmi 2017-2021-mi Kommuneqarfik Sermersooq ineriartortillugu sulinermi politikkikkut tunngavissat makku isumaqatigiissutigaat.

Piffissami pineqartumi politikkikkut sulinermi arlalinnik politikkikkut pingaarnernerutitassaqarpoq, pingaartit, tunngaviit, takorluukkat aamma tunngaviusumik inunnik isiginneriaaseq aallaavigalugit piviusunngortinneqarlutillu ingerlanneqartussanik. Pingaartitassat qulingiluasut ukuupput:

### PINGAARTITASSAT QULINGULUAT:

- Siusissumik suliniuteqarneq aqqutigalugu meeqqanut inuusuttuaqqanullu navianartorsioqqajaasunut suliniutit annertusarnissaat – aamma meeqqanut tamanut pitsaasunik nalinginnaasumik neqerooruteqarnissaq
- Inuusutissarsiornermik ingerlatsinerup takornariaqarnerullu annertusarnissaat, siuariartornissap suliffissaqartitsinissallu annertuumik salliutinneqarlutik pingaartinneqarfigisaannik
- Kommunimi meeqqat atuarfiisa annertusarnissaat, meeqqat tamarmik piginnaasaqarlualernissaasa toqqissisimanissaasalu annertuumik pingaartinneqarfigisaannik
- Kommunip ilisimasaqarnermut, ilisimatusarnermut, peroriartornermut, ilinniarnermut, IT-qarnermut ineriartornermullu ataatsimut isigalugu tunniussaqaartarnerata annertusarnissaa
- Kommunip ataatsimut isigalugu avatangiisinut silallu pissusianut, atueqqittarnermut, eqqagassanillu suliaqarnermut tunngasutigut suliniutaanik annertusaanissaq.
- Siusissumik pinaveersaartitsillunilu inooqatigiissutsikkut suliniutinik annertusaanissaq, aamma navianartorsioqqajaareersunut neqeroorutit pitsaaneruset
- Illoqarfinni nunaqarfinnilu inissaqarnerup annertusarnissaa, tamatumunnga ilanngullugu Siorarsiorfimmi nutaanik sanaartornissaq
- Kommuneqarfik Sermersuumi eqqumiitsuliornermut, kulturimut, sunngiffimmut timersornermullu naleqqiullugu atugassarititaasut annertusarnissaat
- Innuttaaqataasut utoqqaat inuunerminni atugarisaasa pitsanngorsarnissaat.

### PINGAARTITAT TUNNGAVIILLU AAMMA INUNNIK ISIGINNERIAASEQ:

Inuit Ataqtigiit aamma Demokraatit isumaqatigiissutigaat, politikkikkut suliat aqqissuunnerat aamma kommunip ingerlatsinikkut suliai pingaartitanik, tunngavinnik takorluukkanillu aallaaveqassasut, inupplaartumillu inunnik isiginneriaaseqarnermik tunngaveqarlutik.

Kommunip aningaasaqarnera aqutarineqarluni nakkutigineqassaaq. Innuttaasunut ajoqusiisumik tupaallaatissartaqanngitsumik, torersumik aningaasaqarneq ineriartornikkut aalaakkaasumik siuariartornissamut isumannaatsuunissamullu tunngaviuvoq. Kommunip aningaasartuutai isertitaalu aqutarineqarlutik nakkutigineqassapput, tamatumunnga ilanngullugu naligiissarinissamut immikkut aningaasartuutit Kommuneqarfik Sermersuumut ukiuni kingullerni akileqqusaasarsimasut pillugit apeqqutit piaarnerpaamik paasineqarnissaat, maanna Inatsisartut aalajangiinerat atuuttoq 2018-imi atorunnaartussaammat, partiinut suleqatigiinnut pingaartuuvoq, kommunip aningaasaqarnikkut missingersuutaasa – taamaalillunilu kommunip iliuuseqarnissamut kiffaangissuseqassusiata – ukiuni arlalinni siumoortumik ilisimaneqarnissaa.

Partiit suleqatigiit isumaqarput, kommunimi suliffeqarfiit siamasissumik assigiinngitsunillu killiffeqartut

atugarisaat pissusiilu nikerartumik assigiinngisitaartumillu ukiuni aggersuni isiginiarneqassasut – inuit kisi-miillutik suliffeqarfiutaanniit, annikinnerusunik aallarnisaasuniit imaluunniit eqqumiitsuliornikkut assas-sortuniit suliffinnut mikinerusunut akunnattumillu angissussilinnut, kiisalu Kalaallit Nunaanni Sermer-suumilu inuussutissarsiornermik ingerlatsivissuarnut, tassuunakkut kommunip aaqqissuussinera pingaar-nersiuineralu eqqortumik anguniakkanut sammisooqqullugu, aamma siuariartornissamat suliffissaqartitsi-nikkullu periarfissanut annerpaamik sammisooqqullugu. Kommunimi inuussutissarsiornermik ingerlatsisu-nik oqaloqateqartarnek ingerlareersoq kommunimi tamarmi inerisarneqarlunilu annertusarneqassaaq.

Taamaalluni Sermersuumi inuussutissarsiutitik ingerlatsinermik annertuumik pingaartitsineq ingerlaqqis-saaq, tamatumunnga ilanngullugit aallarnisaasut, namminersortut, eqqumiitsuliortut, takornariaqartitsi-neq allatigullu siuariartornissamat periarfissaqarfiit – tassami taakkunani siuariartorneq ineriartorluarner-lu, kommunip pitsaanerusunik aningaasaqarnissaanut, imminnut pilersortut amerlinissaannut, isumagin-nikkut ikiorserneqartartut ikilinissaannut, suliffissanut amerlanernut, akileraarutitigut isertitat amer-linissaannut il.il. tunngaviupput – taamatullu innuttaasut ataasiakkaat inuunermikkut naammagisimaa-rinninnerunissaannut, imminnullu ilaqtutaminnillu pilersugarinerminnik nuannarinninnerunissaannut, kiisalu ataatsimooqatigiinnut tapiissuteqarnissaannut.

Kommuneqarfik Sermersuumi suliffissaqarniarnek inoqarfimmiit inoqarfimmut assigiinneqaaq. Nuummi suliffissaaleqineq malunaatilimmik appariarnikuuvoq, Nuulli avataani taamaannani. Taamaammat suliffis-saaaleqineq annikillisarinarlugu periusissiat inoqarfinnut ataasiakkaanut naleqqussarneqassapput. Suleqa-tigiit isumaqatigiissutigaat, sulisinnaassusillit sulilersinnissaat anguniarlugu nukit annertunerusut atorne-qassasut. Suliffissaaleqisut sulilernissaminnut immikkut ikiorserneqarnissamik pisariaqartitsisut, assersuuti-galugu katsorsarneqarnissamik, naapertuuttumik ikiorserneqarnissaat neqeroorutigineqartassaaq.

Partiinut suleqatigiinnut pingaarluinnarpoq, kommunip aningaasaqarnera aalajangiisernerillu pillugit an-nerterpaamik ammasuunissaq paasiuminassuseqarnerlu, tamannalu inerisarinarneqassaaq.

Inuttut ajornartorsiutit qitiutinneqassapput, innuttaasullu tamarmik – kangianiit kiteaanut – ikiorneqassap-put, ajornartorsiorunik. Kisianni sulinermi tunaartarineqassaaq, siusissumik pinaveersaartitsillunilu suli-neq, taamaallunilu annermik meeqqat atugarisaat, immikkut pingaartinneqassasut. Suleqatigiinnissamik isumaqatigiissummut matumunnga ilisarnaataassaaq, ajornartorsiutit patsisaat, atugarisallu ajornartorsiu-titik annertusaasartut sapinngisamik pissuseqarfigineqartarnissaat, siunissami eqqugaasartut pinngitsooru-mallugit. Imaappoq pinaveersaartitsineq patsisaasunullu naleqqiullugu pissuseqarfiginninneq annertuneru-sumik isiginiarneqassapput.

Isumaginninnerup iluani suliat pilertortumik suliarineqartarnissaat qularnaarneqassaaq, piffissaagallartil-lugu tamakku isumagineqartaqqullugit. Meeqqat pillugit suliasat allanit salliutinneqartassapput, kommu-nillu iluani aamma kommuninik allanik suleqateqarnermi suliat sunniuteqarluartumik suliarineqartarnis-saat qularnaarneqassaaq, tassuunakkut qularnaarneqaaqqullugu suliat puigorneqartanninnissaat, innut-taasoq puigorneqartutut imaluunniit pisortanit sumiginnagaasutut misigeqqunagu. Saniatigut qularnaar-niarparput kommunitisinni ammasumik tamanullu ersittumik suleriaaseqarnissaq, suliat aaqqissugaanerup iluani tammartassanngillat. Innuttaasut kommunitisinnut saaffiginninnertik isumannaatsutut toqqissisima-nartutullu misigisassavaat. Kommuneqarfik Sermersooq aamma kommuninik allanik suleqateqarumavoq, suliat innuttaasunut malinnaasaqqullugit. Tamatumani ilaqtariit illoqarfimminni ajornartorsiutitik qimal-lugit (inoqatigiissutsikkut nomadit) nuunnerini suliap kommunimi allami aallaqqaataaniit aallarteqqinne-qartanninnissaa pinngitsoorullugu. Tamanna innuttaasumut iluaqutaasussaavoq.

Nuup avataani ingerlatsivinni, sumiiffinni ataasiakkaani aalajangiisinnaaneq annertusarneqassaaq, kom-munillu allaffiini aqutsineq annertusarneqassaaq sumiiffinni ataasiakkaani oqartussaanermit iluaqutaasu-mik. Innuttaasut inatsisitigut illersugaanerat qularnaarneqartuassaaq.

Meeqqat tamarmik sanngisuujullutik meeraanerminnik atuarnerminnillu aqqusaarinissaasa qularnaarneqarnissaat pingaartinneqassaaq, inuusuttuunermi inersimasuunermilu inuunermi unamminartunut - ilinniarnermik, sulinermik inooqataanermillu ilaqartunut - piareersimaqqullugit. Imminut oqartussaaffiginisamat innuttaaqataanissamullu Kalaallit Nunaatalu siunissaanik piginnittoqataanissamat piareersagaasapput.

Inuit Ataqtigiit, Demokratillu isumaqtigiissutaanni pingaartitaniippoq tunngavinniillunilu, kommunimi innuttaasut tamarmik naligiinnerat tamakkiisumillu pisinnaatitaaffeqarnerat, aamma qanorluunniit tunuliaqutaqarlutillu oqaaseqartuugaluarunik peqataanissamat pisinnaatitaaffeqarlutillu pisussaaffeqarnerat.

Pingaartipparput kommuni, ornikkuminartunik attaveqarluartunillu ingerlatsivilik, suliffeqarfilik politikeri-lillu, aamma aalajangiinarnermi suleriaatsit aalajangiinerillu sapinngisamik annertunerpaamik innuttaasunit tusagassiuutinillu pissarsiarineqarsinnaallutillu paasiuminartuunissaat, pingaartinneqarporlu attaveqatigiinnermi aallaavissat aamma kommunimi tamarmi innuttaasut pitsaanerusementik attaviginissaannut peqataatinnaannullu periarfissat nutaat tamatigut eqeersimaarfigineqartuarnissaat.

Partiit suleqatigiit pingaartippaat, politikikkut sulinerup politikikkullu aalajangiinerit pissuserissaarluni ingerlanneqartarnissaat, siamasissumik pisussaaffiliisumillu tunngaveqarluni politikikkut isumaqtigiissuteqartarnissaq siunertaralugu. Ilaatigut suleqatigiinneq annertusarumallugu, aammali innuttaasunut naleqqiullugu politikikkut aalajangiussanik ingerlaavartiitsinissaq siunissamullu takorluuereersinnaanissaq qularnaarumallugit, kiisalu aningaasaqarnikkut politikikkullu ineriartorneq sangujoraartutut malunniuteqqunagu.

Inuit Ataqtigiit, Demokratillu akunnerminni paaseqatigiinerannut ilaavoq, Kommuneqarfik Sermersooq soorunami Naalakkersuisunik kommuninillu allanik pilersitseqatigiiffiusumik suleqateqassasoq, aamma kommunip naalagaaffinnik, kommuninik, suliffeqarfinnik, aningaasaliisartunik kattuffinnillu, kommunip ineriartorneranut pitsaasumik isummersuisinnaasunik imaluunniit tigussaasumik tapiisinnaasunik suleqateqarnissamat periarfissat piviusorpalaartut tamaasa ujjartortuassagai misiligartuarlugillu.

Partiit suleqatigiit piffissami aggersumi Naalakkersuisut kimigiiserfiginiarpaat, iluarsartuusseqinnissat pisariaqartut arlaqartut piviusunngortinneqarnissaasa qularnaarnissaat, kiisalu iluarsartuusseqinnerit imarisassaasa piaarnerpaamik ilisimatitsissutigineqarnissaat siunertaralugu, taassuunakkut Kommuneqarfik Sermersooq politikikkut sulinermi allannguutissanut piareersimasinnaaqqullugu.

Inuit Ataqtigiit aamma Demokratit kissaatigaat, attaveqaateqarnerup – taamaalillunilu innuttaasut nuttarsinnaassusiisa – nalinginnaasumik pitsanngorsarneqarnissaa, tamannalu anguniarlugu Naalakkersuisut oqaloqatigisarlugit ingerlaavartumik sulissuteqarniarlutik.

Partiit suleqatigiit aammattaq pingaartippaat, politikeriit kommunimilu sulisut akornanni - aamma kommunimi sulisut akornanni - sulinermi avatangiisit pissusilersoqatigiinnerillu torersumik, ataqeqatigiiffiusumik aqqiissutissanullu sammisumik pissusilersorfiusasut. Politikeriit siuttuusariaqarput siuttuusaaallutillu.

Kommunimi ingerlatsivinni suliffeqarfinnilu pisortat aqutseqatigiillu immikkut pisussaaffeqarput sulinermi avatangiisit pitsanngorsarnissaannut, napparsimalluni sulinngitsoortarnerit ikilisarnissaannut innuttaasunillu sullissinerup annertusarnissaannut, kiisalu innuttaasut oqartussaasunik suliffeqarfinnillu pitsaasumik naapitsinissaannik qularnaarinissamat.

Partiit suleqatigiit politikikkut suliani siuttuuniarput, tigussaasunik sivisuumillu atuuttussanik angusaqarnissamut piuumasseqarlutik, Kommuneqarfik Sermersuumi innuttaasunut iluaqutaasussamik, taamaalillutillu qularnaassallugu kommunip illoqarfittut pingaarnersaqarfiusup kommunimi innuttaasunut inuussutissarsiutinillu ingerlatsisunut patajaatsumik malunnaatilimmillu siuariartuinnarani, aammali Nunatta tamarmiusumik ineriartorluarnissaanut nammineernerulernissamullu ingerlaarneranut tapertaanissaa.

Immikkut anguniagaavoq kommunimi sulinermi pisariaqanngitsumik pappialarsornerit, sulinermi ileqqut, periutsillu pisariaqavinningsut ingerlaavartumik suussusilerneqarlutillu annikillisarneqassasut. Siunertamut naapertuutinngitsumik pappialarsorpallaartumik suleriaatsit annikillisarneqassapput, imminermi iluaqutaasavoq allaffissornikkut ingerlatsinerit siunertamut naapertuutinngitsut imaluunniit pisariaqanngitsut allannngortinneqassasut, ajornanngippallu toqqaannartumik innuttaasunik sullissininngortinneqassasut.

Partiinut suleqatigiinnut Imminermi naleraassaaq, annermik illoqarfiup pingaarnerep ukiuni aggersuni ineriartornissaa, kalaallinut inuusuttunut Danmarkimi nunaniluunniit allani ilinniarsimasunut pitsaasunik atugassaqartitsillunilu sinaakkutissaqartitsiffiusumik, tassuunakkut Nunatsinnut angerlarnissaminnut kajumilersinneqarlutillu piviusunik periarfissinneqaaqqullugit, aamma ilisimasaminnik piginnaasaminnillu imminnut, ilaquuttaminnut Nunatsinnullu iluaqutaasumik atuisinnaaqqullugit.

Ataatsimooqatigiiffimmi attaveqatigiinnerit tamarmik naligiinnermik tunngaveqassapput, kikkullu tamarmik inissaqartinneqarnissaat qularnaarneqassalluni. Inuit tamarmik inunngortarput naliitsunik piginnaaneqarlutik naliitsunillu inuttut pissuseqarlutik, taakkualu ineriartortittuarnissaannut Kommuneqarfik Sermersuumi inooqataanikkut pitsaanerpaamik periarfissinneqassapput. Piginnaanerit taakku tamatigut imminut ilagisanullu pilersuinissamut atorsinnaasariaqarput – tassuunakkullu nammineq inuunerup, pilersitsisinnaasutsip, nutaalorsinnaasutsip soqutigisallu aallunnissaannut kiffaanngissuseq angullugu. Nammineq inuernermit iliuuserisanullu akisussaaneq sunniuteqarnerlu aamma demokratiskiusumik innuttaaqataasut inuiaqatigiit ineriartornerannut peqataaneq pisinnaatitaaffiullutillu pisussaaffiupput. Inuit tamarmik allat ataatsimooqatiginissaat kissaatigaat, taakkunungalulu pitsaasunik tunniussaqaqarumasarlutik.

Naligiissuseq aammattaaq kommunimi assigiinngisitaarneq akimorlugu atuutissaaq. Nunaqarfinnut immikkoortunut pilersaarut, nunaqarfitta siunissami ineriartortinnissaannut tunngaviussaaq aamma inunuk nukissatigut isumalluutit, isumalluutit uumassusillit aamma suliffeqarnikkut sinaakkutit akornanni pissuseqatigiinnernik misissueqqissaarneq siunissami tulleriissaarisarnermut tunngaviussaaq, kommunalbestyrelsip nunaqarfinnilu aqutsisut qanimut oqaloqatigiittarnerisigut pisassalluni. Nunaqarfinni aqutsisunik qanimut oqaloqatiginnittarnermik ileqqorisarput ingerlaannassaaq, aammattaaq kommunip tamarmiusup missingersuutaanik suliaqarnermut, ilutigisaanillu nunaqarfinnut immikkoortitat taakkulu piviusunngortinnissaannik suliaqarnermut, nunaqarfinni aqutsisut siulittaasuisa peqataatittarnerat ingerlaqqissaaq. Kommunalbestyrelsip nunaqarfinnilu aqutsisut akornanni suleqatigiinnissamik isumaqatigiissuttip naliliiffiginera 2017-ip ingerlanerani pissaaq.

Tamanna tunuliaqutaralugu partiit suleqatigiit aammattaaq kissaatigaat, kajumissutsimik sulinermi kulturiup nukittuup annertusarneqarnissaa, AWG2016-imit misilittagarilikkat aallaavigalugit, kommunip innuttaasullu akornanni akisusaaffinnik suliassanillu agguassineq pillugu allaanerumik eqqarsariaaseqarnissamut tapertaasussamik. Kajumissutsimik sulinerup annertusarneratigut qularnaarneqassaaq ullumernit suli amerlanerit akisusaaffimmik tigusinerat, namminnerlu siunissaminnut avatangiisiminnullu qaninnermut oqartussaqaqtaalernerat.

## Politikkikkut pingaernerutitassat:

### SIUSSISUMIK SULINIUTEQARNEQ AQQUTIGALUGU MEEQQANUT INUUSUTTUAQQANULLU NAVIANARTORSIOQQAJAASUNUT SULINIUTIT ANNERTUSARNISSAAT – AAMMA MEEQQANUT TAMANUT PITSAAUNIK NALINGINNAASUMIK NEQEROORUTEQARNISSAQ

Inuit Ataqtigiit aamma Demokraatit isumatigiissutigaat, ulluunerani neqeroorutini, atuarfinni sunngiffimmilu neqeroorutini meeqqanut inuusuttuaqqanullu tamanut nalinginnaasumik neqeroorutit pitsaasut aamma meeqqanut inuusuttuaqqanullu inooqatigiissutsikkut navianartorsioqqajaasunut taakkualu ilaqaannut naleqqiullugu siussisumik suliniuteqarnerit akuleriisinneri, tassaassasut Kommuneqarfik Sermersuumi meeqqanut inuusuttuaqqanullu suliniuteqarnermi tunngaviusut.

Meeqqat inuusuttuaqqallu tamarmik – meeqqat inuusuttuaqqallu peqqissut, kaammattorluugaasut inooqatigiissutsikkullu oqmaaqatigiissitsilluartut – aamma meeqqat inuusuttuaqqallu assigiinngitsunik ilusilinnik ajornartorsiutillit imaluunniit toqqartumik navianartorsioqqajaasut – nalinginnaasumik neqeroorutit pitsaasut iluaqutigisarpaat, timitalimmik sinaakkutigissaartut, ilinniarluarsimasunik sulisullit aamma meeqqat inersimasullu imminnut attavigiilluarfigisaat. Tamatuma saniatigut Kommuneqarfik Sermersuup meeqqanut inuusuttuaqqallu immikkut pisariaqartitsisunut suliniutit annertusassavai.

Partiit suleqatigiit aammattaq qaqqami meeqquerivinnik pilersitsiniarluni suliaq ingerlateqqinniarpaat, tamatumani silami inuuneq, pinngoritamik nerisassaatsinnillu ilisimasaqarneq, peqqissuseq il.il. qitiutikumallugit, tassuunakkullu meeqqat ulluinnarni pituttugaannginnerusumik sinakkutissaqartikkumallugit, napparsimasarnerit – aamma sulisut akornanni – annikillisarnerlugit aamma periarfissanik meeqquerivinni pioreersuni periarfissaasunit allaanernik neqerooruteqarumallutik.

Immikkut pingaartinneqassaaq, meeqqat pillugit sulissarpassuarnut aamma kinguaassiuutitigut atorerluinerit sumiginnaanerillu pillugit sulianut naleqqiullugu atugaasut illuanut saatinnissaat.

Kinguaassiuutitigut atorerlugaasimanerup malitsigisartagai amerlanertigut annertusaqaat, kingunipilutsisinernullu ersiutaagajuttarput imigassamik ikiaroorartunillu atorerluinerit, imminut naleqartinginnerit, ilinniagakinnerit suliffeqannginnerillu, inooqatigiissutsikkut, kinguaassiuutitigut inooqateqarnermilu ajornartorsiutit il.il., minnerunngitsumillu imminut toquttarnerit annertuallaarujussuarnerat.

Partiit suleqatigiit isumaqarput, kommuni annertunerusumik iliuuseqarsinnaallunilu pinngitsoorani iliuuseqartariaqartoq. Aammattaarli partiit suleqatigiit isumaqarput, inooqatigiissutsikkut kulturikkullu male ruartakkat taama ititigisunik ajornartorsiutitaqartut periuseqariaatsillu naalliunnartut aqqiivigineqasappata innuttaasut annertuneroqisumik isummersortarnermikkut allannguinnissaat pisariaqartoq – isummersortarnermikkut allanngineq, kommunip ikorfartorniarlugu uteriissutigisinnaasaa, kisiannili naggataatigut innuttaasut inuiaqatigiillu kinguaassiuutitigut atorerluisarnermik unitsitsiniarlutik pisinnaasaannik piumassusaannillu pisariaqartitsiffiusoq.

Meeqqanut navianartorsioqqajaasunut tunngatillugu partiit suleqatigiit annermik makkua pingaartin- niarpaat:

- Perorsaasut, ilinniartitsisut aamma isumaginninnermi siunnersortit ilinniarluarsimasut kajumilersin- niarlugit suliat annertusarnissaat – minnerunngitsumik Sinerissamat Tunumullu
- Kattuffiit naapertuuttut attaviginerinik pilersitsineq, tassuunakkut tarnip pissusiinik ilisimasalinnik, isu- maginninnermi siunnersortinik, perorsaasunik, ilinniartitsisunik il.il. atorfinitsitsinissamat aqqutissiuus-

sinissaq siunertaralugu aaqqiissutissanik nassaaqatigiissinnaaqulluta.

- Isumaginninnermut naalackersuisoq suleqatigalugu danskit inatsisunik atuutsisinnermut ministeriannik kinguaassiuutitigut atonerluisarnerit akiorniarlugit suliniuteqarnerit annertusineqarnissaat pillugu oqaloqatigiiffimmik pilersitsinissaq.
- Politiinut eqqartuussivinnullu attaveqalernissaq, meeqqanik kinguaassiuutitigut innarliisarnerit annertu-nerusumik iliuseqarfiginissaannut periarfissat, politiinit tigusaasartut amerlinissaat, unnerluussaasartut amerlinissaat pillaanermilu killissarisat sakkortunersaasa atorneqartarnissaat pillugit, aamma danskit inatsisunik atuutsisinnermut ministeriannut suliniutaasinnaasut pillugit attaveqarnissaq.
- Meeqqat pillugit suliani tamani qulaajaanerit iliussissatullu pilersaarusi atortortumik suliarineqartarnissaasa qularnaarneqarnissaat.
- Ilaqutariit naartusortallit atonerluinnermik ajornartorsiutillit ikiorsernissaat immikkut pingaartinneqassaaq.
- Kinguaassiuutitigut meeqqanik atonerluinnerit pillugit anguniagaqarluartunik paasititsiniaasarnissat, inuiaqatigiinnut, sulisunut meeqqanullu imminernut saaffiginittunik ingerlatsisoqassaaq - tassanngaannaq ikiortariaqalersunut telefonip normua ilanngullugu.
- Anaananut nakuuserfigineqartunut, kinguaassiuutitigut atonerlunneqarnissamik ulorinartorsiortunik meeralinnut tassanngaannartumik inissiiffiusinnaasut.
- MIO-mik naalackersuinikkullu suliaqartut avataanni suliniaqatigiinnik (NGO-nik) allanik assigisaannillu, meeqqanut tunngasunik ilisimasaqarluartunik qanimut suleqateqarnissaq, pineqartumut tunngatillugu sunneqatigiilluarneq pilersikkumallugu aamma ilisimasat paasissutissallu innuttaasunut iluaqutaasussamik katersornissaat siunertaralugu.
- Kommunip angajoqqaanut tamanut, aamma angajoqqaanut kisermaanut, ammasumik siunnersuisarnissamik neqeroorutaata ersarinnerulersinnissaa.

**Nalinginnaasumik susassa qarfinnut tunngatillugu partiit suleqatigiit makkua suliniutiginiarpaat:**

- Siorarsiorfimmik pilersaarummut atatillugu nutaanik marlunnik atuarfiliornissaq aamma Atuarfik Hans Lyng-p Atuarfiata allinissaa.
- Siorarsiorfimmik pilersaarummut atatillugu nutaanik qulmik meeqqeriviliornissaq
- Atuareernerup kingorna ornittakkat (AKO) nutaat pingasut pilersinnissaat
- Qaqqami meeqqeriviit arlallit – silami inuunermik, timimik atuinermik il.il. pingaartitsiffiusut – pilersinnissaat.
- Meeqqeriviit sunngiffimmilu neqeroorutit tamarmik timimik atuinissaq, timigissartarnissaq, aalanissaq il.il. qularnaarniarlugu suliniuteqassapput.
- Nuummi meeqqerivimmi inissaqarnissamik qularnaveeqqusiinnermik suliaq ingerlajuassaaq.
- Kommunimi meeqqerivinnut tulleriissaarisarnermi malittarisassat maanna atuuttut misissorneqassapput, allannguinnissamik pisariaqartitsisoqarnerisooq nalilersorumallugu. Kalaallinut nunani allaniittunut aamma kommunini allaniittunut kommunimi innuttaasutulli meeqqerivimmut allatsitsinissaq periarfissaassaaq, tulleriissaarinermilu suliffeqarnikkut inissisimaneq mianerineqartassaaq.
- Sanaartugassat nutaat pilersaarusiortnerini tamani meeqqat inuusuttullu innarluutillit pitsaasunik atugassaqartinnissaat ilaatinneqartassaaq, tamatumanilu akuutitsinissamik isummap aamma meeqqanut inuusuttunullu innarluutilinnut immikkut aqqissuussanik inissaqartitsinissap eqqortumik oqimaatigiissinnissaat ujartorneqassaaq. Meeqqanut tamanut ulluunerani neqeroorutit avatangiisigissaartut, ilinniarluarsimasunillu sulisullit.
- Nunaqarfinni meeqqeriviit inillu pinnguartarfiit illutamikkut perorsaanikkullu nalilersorneqassapput, il-lutatigut perorsaanikkullu neqeroorutit ullutsinnut naapertuuttut pilersinnissaat siunertaralugit.
- Pingaartinneqassaaq perorsaa sunik ilinniarsimasunik atorfinitsinissaq, pikkorisarnissamik neqeroorutit amerlanerit aamma meeqqerivinni taartaasartutut piareersimasussanik pilersitsinissaq.
- Meeqqerivimmiit atuarfimmik ikaarsaernerup qularnaassavaa meeqqap pitsaanerpaamik atuarfimmik aallartinnissaa, aamma atualernissamut piareersimassusermik misissuisarnermik isuma periuuserlu angajoqqaanut paasissutissiissutiginneqassaaq illuatungeriimmik paaseqatigiilluarneqassaaq siunertaralugu.

- Meeqquerivinni utoqqarnik aalajangersimasunik pulaartoqartarneranik misilittakkat pitsaasut siammaaneqassapput.
- Inuusuttunut klubbit neqeroorutaat nutaaliarineqassapput, inuusuttut aamma NUIF qitiusumik Ilisimasaqarfittut suleqatigalugit.
- Klubbini ornittakkanilu sulisut piginnaasaat annertusarneqassapput, aammalu coachingimik supervisonimillu neqeroorfigineqassallutik.
- Nuummi inuusuttunut illup pilersinnissaa sulissutigineqassaaq.
- Inuusuttut akornanni aannngajaarniutinik atuinerup akiorniarnissaa pissuseqarfigiinnerullu allannngortinnissaa.
- Inuusuttut akornanni atonerluinikkut ileqqut misissorneqarnissaat.
- Inuusuttunut sammititamik aqqusinerni angalaarlutik suleqatigiinnik pilersitsinissaq

## **Inuussutissarsiornermik ingerlatsinerup takornariaqarnerullu annertusarnissaat, siuariartornissap suliffissaqartitsinissallu annertuumik salliutinneqarlutik pingaartinneqarfigisaannik**

Inuit Ataqtigiit aamma Demokraatit isumaqtigiiffigaat, inuussutissarsiornermik ingerlatsinerup annertusarnissaa, takornariaqarnerup annertusarnissaa, namminersortutut inuussutissarsiornerup annertunerusumik pingaartinneqarnissaa, aallarnisaanermut piunasaqaatit aamma suliffissaqartitsinerup annertusarnissaata pingaartinneqarnissaa, tassaasut kommunip aningaasaqarnerani qitiusut, taamaalillunilu inisianut, isumaginninnermi politikikkut suliniutinut il.il. aningaasaliinissanik aqqissuussinissamut periarfissiisuullutik.

Partiit suleqatigiit isumaqtigiissutigaa, siunissami ilisimasaqarnikkut, sullissinikkut, ilinniagalinnut ilinniagaqanngitsunullu suliffissat amerlaneroqisut pilersinneqassasut.

Partiit suleqatigiit aammattaq isumalluutit uumassusillit pingaartitarinerat suli annerulersinniarpaat, taamaalillutillu aamma piniarneq aalisarnerlu taakkualu inuussutissarsiornermut periarfissat nassataat pingaartillugit.

Anguniarparput aalisarnerup inerisartuarnissaanut annertunerusumik tapersiinissaq, piginnaanngorsaaneq aamma siunnersuineq, aamma aalisarnerup iluani ingerlatsisunik, inuussutissanillu tunisassiornerup atuunillu suleqatiginninnermut peqataatsitsinerit aqqutigalugit.

Partiit suleqatigiit nutaaliarluni suliniutin tapersorsorumavaat, soorlu piniariaatsit nutaat, aalisakkanik allanik atuilluarneq, qeqqussanik tunisassiornermik inerisaaneq, aalisakkanik tunisassianillu allanik suli annertunerup suliareqqiisarneq, aamma niuerfissanik nutaanik pilersitsiniarluni sulianik tapersiineq.

Kommuneqarfik Sermersuup aalisarnermut politikikkut anguniagaani tunngaviupput, akisussaassuseqartumik aalisarnermut nunat tamat akornanni tunaartarisaasut, aalisakkanik qaleralinnillu pijuartitsisumik atuineq aamma mianersornissaq pillugu tunngavik.

Kommuneqarfik Sermersuup qinigaaffimmi matumani pingaartinniarpaat nungusaataannngitsumik qaleralinniarneq, tunngaviit qulaani pineqartut innersuullugit kommunip iluani aqutsisoqarfiit atuutsilernerisigut.



Aammattaaq Kommuneqarfik Sermersuup pilersaarutigivaa Ivittuut/Arsuup eqqaani umimmaat atorluar-neqarnerunissaat siunertaralugu suniutinik aallarnisaanissaq.

Allatut oqaatigalugu partiit suleqatigiit ilaatigut qinersiviup siulianit sammivik ingerlateqqinniarpaat aammalu 2017-2021-mi ima iliorniarlutik:

- Politikikkut aalaakkaassutsip ingerlaavarnissaa qularnaarneqassaaq, tassuunakkullu aningaasalersuersussuseq annertusarneqarluni.
- Nunanit allanit aningaasalersuisartunut attaveqaatit uppernassusullit pilersinnissaat anguniagaqarluartumik ingerlateqqinneqassapput.
- Kommunimi inuussutissarsiutinik ingerlatsisunik siuariartornissamut piunasaqaatit pitsaasut pillugit ingerlaavartumik oqaloqatiginnittarnerit qularnaarneqassapput.
- Kommunimi sulianik suliaqartarnerup pisariinnerunissaa qularnaarneqassaaq, assersuutigalugu nunaminertanik tunniussisarnermut atatillugu, tassuunakkut inuussutissarsiornermik ingerlatsisut inerisaanissamut annertusaanissamullu periarfissaannik kommunip pisariaqanngitsumik akornusiillunilu kinguarsaanissaata pinaveersarnissaa qularnaarumallugu.
- Ingerlaavartumik nalifersorneqassaaq, pisortat suliassaataat suut iluaqutaasumik namminersortunut suliakkiutigineqarsinnaasut/tunniunneqarsinnaanersut, aningaasanut atortakkanut naleqqiullugu sullisinerit annertunerusut pissarsiarinissaat imaluunniit pitsaanagerusumik ingerlatsinissap qularnaarnissaat siunertaralugu.
- Inuusuttunik aallarnisaasunik oqaloqatiginnittarnek annertusarneqassaaq, taakkunungalu neqeroorutit periarfissalu annertusarneqarlutik.
- Inuusuttunut aallarnisaasunut piffissami sivikitsumi attartornissamik isumaqatigiissuteqartunut allaffitsigut inerisaanissamullu periarfissat pilersinneqassapput.
- Kommunimi tamarmi takornariaqartitsinerup ineriartornissamut periarfissaanut pilersitsiffiusumik tapersersuinerup ingerlateqqinnissaa.
- Takornariaqarnerup annertusarnissaa siunertaralugu nunat tamat suleqatiginnerisa annertusarnissaat.
- Takornariaqartitsineq nunanullu allanut nioqquteqarnissaaq siunertaralugit eqqumiitsulianik nioqqutissiornermut atortorissaarutit suleqatigiinnerullu annertusarnissaat.
- Sermersuup kangiani – tunumi - inuussutissarsiornikkut periarfissat annertusarumallugit frikommunitut misileraanissamik qinnuteqaateqartoqassaaq.
- Aalisarnermut piniarnermullu periarfissat inerisaaviginissaat taamatullu tunitsivissat – annermik tunumi - Sermersuup kangiani.
- Siorarsiorfimmuat atatillugu sanaartornermi tunisassiornermilu suliffissat kalaallinut qularnaarnissaat.
- Siorarsiorfimmuat atatillugu ilinniarfissat sungiusarlunilu suliffissat kalaallinut qularnaarnissaat
- Suliffeqarfinnik umiarsualivimmik nutaamik umiarsualiviullu nunaminertaanik soqutiginnittunik, annertuumik suleqateqarnissaaq.
- Akunnittarfiutilinnik neriniartarfiutilinnillu allanillu mittarfimmik umiarsualivimmillu allilikkanik soqutiginnittunik annertuumik suleqateqarnissaaq.
- Inuussutissalerisut ilisimatusarnermik tunngaveqarnissaannik tapersiineq, inuussutissalerinermik inuussutissarsiteqarnerup annertusarnissaa siunertaralugu.
- Kommunimi tamarmi aalisarnerup sinaakkutaanik ikorfartuinissaaq aamma nutaaliornerup pingaartinneqarnissaa, tamatumunnga ilanngullugit isumalluutit uumassusillit nalunaarsornerat, piujuartitsisumik taakkunannga atuinissaaq siunertaralugu.
- Isumalluutit uumaatsut pillugit siunissami piaanissaaq pillugu Namminersorlutik Oqartussanik oqaloqatiginninneq.
- Nuummi ilisimatuuat misissuivimmik pilersitsinissamik pimoorullugu suliaqarnissaaq
- Avatangiisinut silallu pissusiinut atatillugu teknologiimik Nuummi misileraaviliornissamut periarfissat misissornissaat.

Aammattaaq suliffissaaleqisut annertunerusumik pingaartinneqarnissaat qularnaarneqassaaq, isumaqar-

luartumik suliaqarnissap uniinnarluni pilersugaanermiit pingaartinneqarnerunissaa anguniagaralugu. Ilanngullugu pingaartinneqassapput inuusuttut pineqaatissinneqarsimasut sulilersinnissaat, utoqqaliner-siallit siusinaartumillu pensionisiallit suliffeqarfiutsitsinni piffissap ilaa sulisarnissaannut periarfissat pitsaa-nerusut qularnaarnissaat, sulisinnaasut suliffinni nutaani sulilernissaannut piginnaangorsaanerup qular-naarnissaa, innuttaasut innarluutit piginnaasaannik paasiniaanerup ingerlateqqinnissaa, piginnaasaasa atorluarnissaat siunertaralugu kiisalu Danmarkimi kommunini suliffissaqartitsiniarfiit suleqatiginerisa annertusarnissaat, kalaaleqatitta Danmarkimi najugaqartut Nunatsinni suliffissarsiortarnissaat siunerta-ralugu.

## **Kommunimi meeqqat atuarfiisa pitsanngorsaavigineqarnissaat, meeqqat tamarmik piginnaasaqarlualernissaasa toqqissisimanissaa-salu annertuumik pingaartinneqarfignissaannik**

Inuit Ataqtigiiit aamma Demokraatit tamarmik nassuerutigaa, meeqqat atuarfiata unammilligassai – naak pitsanngoriartitsisoqarnikuugaluartoq – suli annertoqisut, taamaammatt partiit suleqatigiiit piareersimap-put maannamut suliniutaareersut pitsaasut ingerlateqqinneqarnissaannut inerisaqqinneqarnissaannullu, aammali suliniutinik nutaanik sulilu malunnaateqarnerusunik aallarnisaajumallutik, piffissami qinigaaf-fimmi takussaasunik uuttorneqarsinnaasunillu angusaasut pitsanngorsarumallugit.

Partiit suleqatigiiit isumaqarput Kommuneqarfik Sermersuumi meeqqat atuarfiisa atuartut tamaasa inuu-suttutut ilinniagaqalernissaannut piginnaangorsassagaat, aammattaaq atuartut inuttut ilikkagassatigullu piginnaangorsassagaat, imminnut tatigalutik pisariaqartumillu ilorlikkut nakuussuteqarlutik siunissamin-ik naapitsisinnaaqullugit, nunarsuarmioqataalluni inuuneq nutaaliaasoq pissuseqarfigisinnaallugu. Partiit suleqatigiiit pingaartippaat, kommunimi meeqqat atuarfiisa meeqqat ataasiakkaat, ukiuni pingaar-uteqangaartuni inuttullu pissutsip pinngoriartorfigisaanni, atuagarsornikkut inuttullu ineriartornissaannut sinaakkutinik toqqissisimanartunik kaammattuisunillu pilersitsinissaat, aamma kommunimi meeraq kina-luunniit ilinniartitsinikkut aaqqissuussinnermit sumiginnagaanermik misigitinneqassanngitsoq, taamaalil-lunilu 14-15-16-inik ukioqarluni inuusuttut ilinniagaannut ingerlaqqaeriarneqarnissaminut piviusumik tunngavis-saqanngitsutut misigitinneqarani.

Ersarinnerusutigit partiit suleqatigiiit isumaqatigiissutigaa, inerisaalluni suliniutit aallartereersut ingerlateqqinniarlugit, makkunanngalu tapartaqartinniarlugit:

- 2020-mi Kommuneqarfik Sermersuumi atuartut 80 %-ii inuusuttut ilinniagaannut ingerlaqqissapput
- Anguniakkat 2021-miit ukiumut 5 %-imik qaffanneqartassapput, ukioqatigiiaat 95 %-iisa ilinniagaqarta-lernissaasa tungaanut.
- Løkke-Fonden pillugu piarnerpaamik Lars Løkke Rasmussen attaveqarfigineqassaaq, suleqatigiinnissap aamma Kalaallit Nunaanni pissutsinut naleqqussaannissat pisariaqartut inerisaaviginissaat siunertaralu-git.
- Atuarfinni klassini angajullerni atuartunut atuagarsornikkut sanngiiffeqartunut navianartorsioqqajaa-sunullu ukiumut marloriarluni aasakkut tammaarsimaartitsisoqartarnissaa eqqunneqassaaq, tamatumani siunertaralugu imminut naleqartinnerup, malinnaasinnaanerup, atuagarsortarissanik aaqqissuulluak-kamik suliaqarsinnaanerup il.il. inerisarnissaat, Løkke-Fonden-ip periusai naapertorlugit.
- Aasakkut tammaarsimaarnerit malitseqartinneqassapput peqataasut tamarmik kvartalikkaartumik sapaatip-akunnerata naanerani ataatsimi sammisaqartinnerannik, ilinniagassalerisarfimmillu taper-taqartinneqassallutik.

- Periutsit atuariiit ulluinnarni sulineranni piviusunngortinneqassapput, atuartunut tamanut iluaqutaasussamik, angusaasullu ingerlaavartumik malinnaavigalugit uuttorneqartassapput, atuartut ataasiakkaat anguniagaat inerikkiartornerilu kisitsisinik uuttuusersorlugit.
- Meeqqat atuariata pitsaanngorsarneqarnissaanut anguniagaqarnermut ilanngullugu oqallisigineqassaaq klassini ataasiakkaani atuaqatigiit qassiunerat ilikkalertortarnermut toqqissisimanermullu qanoq sunniuteqartarnersoq.
- Kommunimi atuariinni tamani ilikkariartortarnerup toqqissimassutsillu pitsaanerlersinnissaannik anguniakkanut atatillugu sunniutaasussat eqqortut qularnaarnissaat siunertaralugu, maaji qaammataaginartooq atuariiit pisortaannik atuarfeqarfinnillu ingerlatsivimmik oqaloqatigiinninnerit aallartissapput, taakku suliamut atatillugu aamma periutsit sakkussallu suut piukkunnarnerunnerannik naliliinerat tusarumallugu. Partiit suleqatigiit isumaqatigiissutigaat atuariiit ataasiakkaat unamminartitaat ersarissut aallaaviussasut, siamasissumik suliniutaasinnaasutut periarfissanut atuariinnut ataasiakkaanut naleqqussagaasunut.
- Atuariiit pillugit pitsaassutsimik nalunaarusiat, meeqqat atuariat pillugu paasissutissanik imaqtut, inerisarneqassapput kikkunnillu tamanik takuneqarsinnaassallutik, tamatumani angajoqqaat atuartullu naliliinermik isiginneriaasiat ilaatinneqartariaqarpoq.
- Atuariinni ikorfartuisut (isumaginninnermi perorsaasooq, isumaginninnermi siunnersorti assingusumilluunniit ilinniagalik) siunissami suliakkinneqassapput nunaqarfinni atuariiit aammattaaq sullittarnissaannik, 2018-imilu aasakkut naliliiffigineqassaaq.
- Kommunimi nersornaasiutakkat nutaat marluk pilersinneqassapput: Ukioq manna Ilinniartitsisooq aamma Ukioq manna Atuariup pisortaa. Kikkulluunniit innersuussinnaassapput, kisianni Meeqqanut Atuariinnullu Ataatsimiititaliaq innersuussutit patsisitalersukkat tunngavigalugit aalajangiisuusassaaq.
- Atuartunut atuagarsornikkut immikkut pikkorissusillinnut, atuagarsornikkut silappaarissutsimikkullu immikkut kaammataaqaanissamik pisariaqartitsisunut, neqeroorutit pitsaasut inerisarneqassapput.
- Takornariaqartitsineri inuussutissarsiuteqarnerup iluani Tasiilami ilinniagaq piginnaasaqalersitsisooq pilersinneqassaaq, nunap ilaanit allamit ilinniartunut kajumiginarsakkamik.
- Nunani allani atuariiit/kommunit isumaqatigiissuteqarfiginissaat pingaartinneqassaaq, misilittakkanik paarlaasseqatigiinnissaq, isumaassarsiornissaq atuartunillu paarlaasseqatigiittarnissaq siunertaralugit. Taamaaliernerup atuartut nunarsuatsinnik paasinninnerat annertusaqaataaffigissavaa.
- Tasiilamut Ittoqqortoormiunullu ilinniartitsisunik pissarsiorniarluni immikkut suliniuteqartoqassaaq.
- Atuarernerup kingorna ilinniagassaleriffiit/ilinniagassanik ikorsisarfii inerisarnerat ingerlaqqissaaq, atuartut ikiorserneqarnissaminnik pisariaqartitsisut inersimasumit ikiorserneqarfiginnaasaannik.
- 1. klassiit tuluit oqaasiinik ilinniartitsilluni misililneq nalilerneqassaaq.
- "Klassip tiimiata" ilaatut meeqqap nammineq timiminut pisinnaatitaaffii pillugit apeqqutit alloriarfinni tamani pingaarnerusumik inissinneqassapput, kinguaassiuutitigut atornerluisarnerit pinaveersaartinarlugit. Ilinniartitsineq meeqqat ukiuinut naleqqussagaassaaq, ingerlatsinerlu MIO meeqqallu pillugit kattuffiit namminersortut ilinniartitsineri atorussatigut il.il. suleqatigalugit aqqissuuttariaqarluni.
- Qulequttat, assersuutigalugu aningaasaqarneq/nammineq aningaasaqarneq, namminersorneq, akile-raarutini akiliisarneq, niuerneq il.il. meeqqat atuariimmi ulluinnarisaannut ilaalissapput – inuiaqatigiilerinnermi atuartitsissutinilu allani.
- Akullerni skakkernermik aqqissuussaasumik ilinniartitsinerit misiliutit neqeroorutiginnissaat – ajornanngippat Nunani Avannarlerni Killerni nunat allat suleqatigalugit.
- Tunumiut tivariaasiannik ilinniartitsineq nipilersornermik/erinarsornermik ilinniartitsineri ilaatinneqassaaq.
- Kommuneqarfik Sermersuumi meeqqat atuariinni aalanissap timimillu atuinissap ullut tamaasa atuarnermut ilaatinnissaa eqqarsaatigineqassaaq, peqqissutsimut ilikkariartornermullu iluaqutaasussatut.
- Meerartatsinnut inuusuttatsinnullu innarluutilinnut atuarfeqarnikkut neqeroorutit pitsaassusaannik qulaajaanissaq, pineqartut meeqqat atuarianni atuarnermik nalaani pitsaanerpaanik pisinnaasaqalerlutillu misigisaqartarnissaat siunertaralugu. Pineqartut tamarmik angerlarsimaannarsinnaassapput, ataasiakkaallu pisariaqartitaannut naapertuuttumik ilinniartinneqarlutik.

## **Kommunip ilisimasaqarnermut, ilisimatusarnermut, peroriartornermut, ilinniarnermut, IT-qarnermut ineriartornermullu ataatsimut isigalugu tunniussaqtarnerata annertusarnissaa**

Partiit suleqatigiit tamarmiullutik isumaqarput, illoqarfik pingaarneq tassaasoq Kalaallit Nunaata anner-saata ilisimatusarnermik ilinniartitsinermillu ingerlatsineranut pissusissamisuginnartumik katersuuffiu-soq, aamma Issittumi ilisimatuutut misissuivimmik pilersitsinissamut periarfissat qanittuararsuusut. Taa-maammatt Inuit Ataqatigiit aamma Demokraatit taamatut inissisimaneq peqataaffigilluakkamik inerisaa-qataaffiginiarpaat, periarfissallu sulii piviusunngortinneqanngitsut arlallit iluaqutissallu taama pingaartitsi-nikkut nassataasussat piviusunngortinniarlugit.

Partiit suleqatigiit isumaqarput ilisimasatigut ilisimatusarnikkullu avatangiiserisat annertusarnerat arlalini-malittaasunik iluaqutissartaqartussaasoq, soorlu Kalaallit Nunaanni suliffeqarfiit ilisimatuutut inger-latsiviusut ilinniartarfillu nalinginnaasumik annertusarnerat, suliamut atatillugu ilisimatusarnikkullu ataatsi-meersuarnernut il.il. atatillugu tikeraat takornarissallu amerleriarnerat, kalaallit ilinniartarluarsimasut su-liamut atatillugu avatangiisinut nukittunerusunut uterumassusiisa annertusinerat aamma ilisimatusarne-rup inuiaqatigiinnik kalaallinik iluaqusiisussap pingaartinneqarnerulernerat. Aammattaaq partiit suleqati-giit isumaqarput sunniutaalluurtut inuiaqatigiinnut kalaallinut siammaakkiartorlutik, ataatsimoortumik ili-simasanut sivisuumik sunniuteqarluassasut, aamma kommuniinnaanngitsumi nunattali tamarmi nalilinnik annertusaaneranut tapertaalluassallutik.

**Partiit suleqatigit erseqqissumik makku suliarilersaarpaat:**

- Nunatsinni Ilisimatusarnermik Siunnersuisoqatigiinnik oqaloqatiginninneq, suliniutit ilisimatuutut mi-sissuivimmik tapersiisussat pilersinnissat pillugit, tamatumunnga assersuutigalugu ilanngullugit ilisi-matuunut najugaqarfissat, digitaliusumik attaveqaateqarneq, ilisimatusarnermi atortussaqaarneq atua-gaateqarfeqaarneq il.il.
- Kommuneqarfik Sermersuumi Nuummi Issittumi ilisimatuutut misissuiveqalernissaanik isummap taper-sersornissaa, Issittumi illoqarfiit kommunillu allat ingerlaavartumik suleqatigalugit oqaloqatigisarlugillu.
- Inuussutissaqarnermik ilisimatusartut, inuussutissanik tunisassiortut, aallarnisaasartut, siammaassisartut kattuffiillu akornannit inuussutissalerisunut tapersiinissaq.
- Issittumi isumannaallisaanikkut politikkip ilusaata allanngornerata Issittullu nunarsuarmit tamarmit pingaartinneqarnerulernerata kingunerisaannik Arctic Foreign Policy Center – Nuuk (AFPC Nuuk) piler-sinniarlugu naapertuuttunik oqaloqatiginninnissaq.

## **Kommunip ataatsimut isigalugu avatangiisinut silallu pissusianut, atueqqittarnermut, eqqagassanillu suliaqarnermut tunngasutigut suliniutaanik annertusaanissaq**

Inuit Ataqtigiit aamma Demokraatit ataatsimoorlutik pingaartippaat silap allanngoriartorneranut nunarsuarmioqtigiit akiuiniarnerannut tapersiilluni Kommuneqarfik Sermersuup malunnaatilimmik suliniuteqarnissaa. Silap allanngoriartornerata kingunerisai nunarsuatsinni Issittumi malunniunnerpaapput, politikkikkullu suleqatigiit isumaqarput, kommunip tulleriissaarinerisa periusissiornerisalu aqqissuunnerinut, isiginneriaatsinik silap pissusaanut avatangiisinullu iluaqutaasussanik ingerlaavartumik ilanngussinissaq aningaasaqarnikkutaaq iluanaarutaariaannaasoq.

Partiit suleqatigiit pingaartippaat, innuttaasut, inuussutissarsiutinik ingerlatsisut aamma ilisimatusarnerup ilaatinneqarnissaat, CO2-p aniatinnerata appartinnissaata qularnaarniarnerani, mingutsitsiffiunngitsumik nukissiornerup, nukissatigut isumallutinik atueqqinnerup, LED-teknologiimik atuinerup il.il. sulissutigineranni, kiisalu assersuutigalugu sanaartukkat nutaat pilersaarusionerqassasut, ilaatigut silap allanngoriartornerata sunniutai atortussanik toqqaanermut ilaatillugit eqqarsaatigalugit aamma assersuutigalugu seqerngup nukinganik nukissiorneq, erngup eqqakkap salinneqarluni atoqqinneqartarnissaa il.il. ilanngullugit eqqarsaatigalugit.

- Avatangiisinut, silap pissusaanut, atueqqittarnermut eqqagassalerinermullu atatillugu Illoqarfimmut Pingaarnermut Periusissiami anguniakkat piviusunngortinniarlugit suliat ingerlateqqinnissaat.
- Atueqqittarnerup eqqagassalerinerullu niuernikkut periarfissai pillugit suliffeqarfinnik naapertuuttunik oqaloqatiginninnissaq.
- Issittumi avatangiisinut silallu pissusaanut teknologiimik Nuummi misileraaffiliortoqarsinnaaneranut periarfissanik misissuinissaq, tamatumunnga ilanngullugu nunani allani tunisassioartartut Issittumi pissutsinik silallu nikerarlunnartumik pissuseqarfigisartagaani teknologiimik soqutiginnissinnaasut attaviginissaat.
- Aaqqiissuutissat silap pissusaanut nukissiornermullu iluaqutaasussat kommunip nutaanik sanaartorneranut ilaassapput.
- Silap pissusaasa avatangiisillu iluaqtigisinnaasaannik pissusilersorneq qanoq iliorluni atuartitsinermut ilaatinneqassanersoq pilersaarusionerqassaaq.
- Eqqagassalerineq takorniaqartitsinermut aamma avataaniit tikittartut kommunimik Nunatsinnillu misigisaannik ajoqusiinngitsumik qanoq pineqarsinnaanersoq iliuusissatut pilersaarusionerqassaaq.

## **Siusissumik pinaveersaartitsillunilu inooqatigiissutsikkut suliniutinik annertusaanissaq, aamma navianartorsioqqajaareersunut neqeroorutit pitsaannerusut**

Inuit Ataqtigiit aamma Demokraatit isumaqatigiissutigaat ilaqutariinnut meerartalinnut meeqqanul-lu navianartorsioqqajaasunut pinaveersaartitsilluni siusissumillu suliniuteqarneq annertusarneqassasoq, aamma navianartorsioqqajaasunut neqeroorutit pitsanngorsarnissaat qularnaarneqassasoq.

Partiit suleqatigiit isumaqarput, ilaqutariit navianartorsioqqajaasut siusissumik piffissarlu eqqorlugu aku-liuffiginerisigut, inuttut ajornartorsiutit tulleriaartumik sunniutipiluttarnerisa kipitinnissaat pingaartuusooq, taamaalillunilu Inuit Ataqtigiinnut, Demokraatinut aamma Atassummut pingaarluinnartuuvoq ajornartorsiutit patsisaasa suliniuteqarfiginissaat – ersiutaasut kisiisa suliaqarfiginagit.

Ataatsimoorluni paaseqatigiiffiuvoq, inuttut ajornartorsiuterpassuit atugarliortullu, tamakkualu nassatari-saannik isumaginninnermi aningaasartuutit ingasattumik qaffasinneri, tassaasut Kommuneqarfik Sermer-suup Kalaallit Nunaatalu tamarmiusup ineriartornerinut imminnermini akimmiffiusut, taamaammat partiit suleqatigiit 2017-2021-mi immikkut isiginiarniarpaat meeqqat navianartorsioqqajaasut ilaqutariillu meerar-tallit, utoqqarnik isumassuineq tamatumani pisariaqartitsineq annertusiartortoq, angerlarsimaffeqanngi-neq atornerluinerlu.

Taamaalillutik partiit suleqatigiit immikkut sammissavaat arnanut nakuuserarneq kinguaassiuutitigullu atornerluisarneq, tassami meeqqat kinguaassiuutitigut atornerlunneqarnissamut sakkortuumillu sumigin-nagaanissamut ulorianartorsiornerat tamatumuuna annertusisarmat, taamaalillunilu uteqqinneqartarluni. Arnat navianartorsioqqajaasarnerat unitsikkutsigu tamatuma ilutigisaanik meeqqat ikiorsissavagut, inooqa-tigiissutsikkullu kingornuttagapiluit kaaviaarnerat kipitissallugu.

**Taamaalillutik partiit suleqatigiit makku anguniarniarpaat:**

- Meeqqanik navianartorsioqqajaasunik pilertornerusumik paasiniaalluni qulaajaasarnissaq pilertorneru-sumillu iliuusissanik pilersaarusiortarnissaq.
- Meeqqanut navianartorsioqqajaasutut nalilernerqartunut tamanut naleqqiullugu pilertornerusumik paasiniaalluni qulaajaasarnissaq pilertornerusumillu iliuusissanik pilersaarusiortarnissaq.
- Najugaq qimannagu perorsaasunnorgorianik ilinniartitsinnermut aningaasaliissutit amerlinissaat.
- Københavnimi Professionshøjskolip perorsaanermik ilinniartitsinnermut aningaasaliissutit amerlinissaat.
- Anaananut/ataatanut kisermaanut navianartorsioqqajaasunik meeralinnut inissiat/najugaqatigiiffiit isu-maginninnermi siunnersortimik sulisoqartillugit.
- Meeqqanut atuagarsornikkut malinnaaniapiloortunut aasakkut tammaarsimaartitsisarnerit – Løkke-Fon-denip ilusiliussaa malillugu.
- Nalinginnaasumik neqeroorutit aamma paaqqinnittarfiit tigussaasutigut sinaakkutaannik nalinginnaa-sumik pitsanngorsaanerit.
- Utoqqarnik paaqquttarininnermi sulisut ilinniarsimasut amerlinissaannik qularnaarineq piginnaasaqas-sutisillu qaffassarnissaa ilinniartitseqqinnerit, avataaniit ilitersuitigaluni siunnersuisarnerit il.il. aqquti-galugit.
- Assersuutigalugu Danmarkimi/Nunani Avannarlerni periutsit pitsaanerpaat (best-practice) naapertorlu-git utoqqarnik isumassuiffinnik isumaqatigiissuteqarnissaq, Sermersuumi utoqqarnik paaqqinniffinni il-inniartitsinertalimmik, ilitersuillunilu siunnersuinertalimmik nakkutilliinertalimmillu sulisoqarallarsin-naanera pillugu.
- Utoqqaat namminneq ulluinnarisaminnut pitsaannerusumik peqataatinnissaat, aamma assersuutigalugu utoqqaat paaqqinniffinni nerisassiornermut peqataatinnerat.

- Meeqqat navianartorsioqqajaasut aanaasalerlugillu aataasalernissaat – meeqqat navianartorsioqqajaasut toqqissisimanartunik atugassaqartillugit utoqqarnut pulaartartuutinnissaat.
- Tasiilami ajornartuinnermi unnuisarfiliornissaq.
- Arnanut meeralinnut angerlarsimaffeqanngitsunut inissialiornissaq aamma arnanut allatut ajornartumik atorittartutut inissimalersimasunut.
- Arnanut meeralinnut nakuuserfigineqarsimasunut tassangaannartumik inissiisarfiliornissaq.
- Angerlarsimaffinni nakuuserarneq qitiutillugu susassaqrarfiit akimorlugit kommunimi immikkut sulisitaliornissaq.
- Nakuuserarnerit aamma arnanut meeqqanullu kinguaassiuutitigut innarliinerit pillugit politiit suleqatiginerisa ataqatigiissarluarnerunissaat
- Arnat angerlarsimaffeqanngitsunut/anaanat malersugaasut nuunnerminni ikiorserneqarnissaannut periarfissaannik pilersaarusiornissaq.
- Ulloq-unnuarlu inuttalimmik imminortarneq pinaveersaarniarlugu telefonikkut attavissamik pilersitsineq, Livslinie-nimut assingusumik ilusilikkamik aamma IT-kut, apps-itigut, videokkut oqaloqatigiinnernut il.il. periarfissat assigiinngitsut atorlugit.
- Kajumissutsimik sulisoqarneratigut misilittakkat pitsaasut nangillugillu inerisaqqinnissaat, tamatumani minnerunngitsumik AWG-qarnerani tunngavissiissutaasut inerisarlugit.
- Nappaatilinnik kajumissutsiminnik sullissisartut soqutigisaqatigiillu suleqatiginerisa annertusarnissaat, annertusarnissaat malittarisassalerlugillu aaqqissuunnissaat, tamatumunnga ilanngullugu siunnersortimik sulinermik annertusaasussamik aamma nappaatillit innarluutillillu kattuffiink ingerlaavartumik oqaloqatiginnittarnermik isumaginnittussamik atorfinitsitsineq.
- Meeqqanut inuusuttunullu aasaanerani sulinnigfiup nalaani angalasanngitsunut pitsaasunik aasakkut neqerooruteqarnissaq – inuunermut kajumissinartunik kulturikkut sammisaqartitsiffiullutillu pinngortitamik misigisaqarfiusunik
- Ilaqutariinnut immikkut ikorfartorneqarnissaminnik pisariaqartitsisunut maanna neqeroorutaareersut ilaneqarnissaat, ilaqutariit ataatsimooqatigiinnissamut ikorfartoqatigiinnissamullu periarfissaqalersillugit.
- Inissat pitsaanagerusut aamma suliffissaqartitsiffinni inissaqartitsisuni pitsaanagerusunik periarfissiinerit.
- Sunngiffimmi neqeroorutit pitsanngorsarnissaat, ornittakkallu ullutsinnut naapertuunnerusut pilersaarusiornissaat.
- Suliffeqarfinnik isumaginninnikkut sullisisuutigalutik niuerneramik nalinginnaasumik ingerlatsiffiusunik pilersitinisarneq 2018-imi piviusunngortinneqassaaq.
- Illoqarfigut aalaniarnermikkut innarluutilinnut angallavigiuminarnerussapput.
- Innarluutilinnut aasakkut tammaarsimaarnerit innarluutillit peqatigiiffii kajumissutsiminnillu sulisut suleqatigalugit.
- Qaniuisartussanik pilersitsineq (sunngiffimmi kulturikkullu neqeroorutit).

## **Illoqarfinni nunaqarfinnilu inissiaqarnerup annertusarnissaa, tamatumunnga ilanngullugu Siorarsiorfimmi nutaanik sanaartornissaq**

Partiit suleqatigiit isumaqarput, angerlarsimaffik akissaqartitaq tassaannaanngitsaq inuttut ataasiakkaatut pisinnaatitaaffik – isumaqatigiissutigut amerlasuutigut tunngaviligaaq, aammali tassaasoq innuttaasup innuttaasullu inuiaqatigiinnut tapiissuteqarnissaminut periarfissaanut pingaaruteqarluinnartumik sinaak-kutaasoq. Tassami inissiaqarniarneq pillugu nalornineq inersimasup aningaasaqarneranut, sulineranut eqqarsartaatsimigullu toqqissisimassusianut tuniluuttumik sunniuteqapiluttarpoq – tamannalu meeqqaanut qanigisanullu allanut ingerlaqqilluni sunniuteqartarpoq. Kommunitut inissiaqartitsiniarnikkut ajornartorsiuteqarnerput, inunni ataasiakkaani malunniutipiloqartarpoq.

Aammattaq ilinniarsimasunik sulisussarsiornermi, minnerunngitsumillu kalaallinik inuusuttunik ilinniarsimasunik sulisussarsiornermi, pingaaruteqarluinnarpoq, taakku ilaqquttatillu nammassinnaasaminnik akilimmik inissarsisinnanissaat, Kommuneqarfik Sermersuumi najugaqarnissaq kissaatigigunikku. Namminersulernissamik takorluugaq piviusunngussappat, pissutsit pingaaruteqartut arlallit inissittariaqarput, soorlu suliamik ilinniakkamut naapertuuttunik sulifissatigut periarfissaqarnissaq, pitsaasumik inissiaqarnissaq, meeqqeriviit atuarfiillu pitsaasut, kulturikkut sunngiffimmilu neqeroorutit pitsaasut il.il. Annermilli inissiaqarniarnermi pissutsit pingaaruteqarluinnarput.

Partiit suleqatigiit illoqarfinni ineriartorfiusuni inissat sulii amerlanerit qularnaarniarlugit sulisutaasut nangeqqinniirpaat, ilaatigut Namminersorlutik Oqartussat illuutaannik piginnittuulernikkut, illut pioreersut aaqqissuunnerisigut, nutaanik sanaartornikkut il.il., kiisalu innuttaasunut navianartorsioqqajaasunut pisariaqartitsivinnermi inissiisarfiit inissiiviugallarsinnaasullu inerisaavigalugit suliat ingerlateqqinnerisigut.

Inuit Ataqtigiit aamma Demokraatit inissialiornermi aningaasaqarnikkut periarfissarsiorluni suliaq ingerlateqqissavaat, aningaasaliinnermut aningaasartuutit annikinnerpaanissaat, pitsaassutsip qaffasissuunis-saa, silap pissusiinut avatangiisinullu eqqortunik periarfissat, ingerlaavartunik aserfallatsaaliinissat aamma najugaqarfiit pigilivinnissaannut piomasaaqatit pilerinartut qularnaarlugit, ilaatigut OPP-mik periarfissat, soorlu Siorarsiorfimmi suliniummi siunnersuutigineqartut misissoqqissaarnerat aqqugalugu.

**Partiit suleqatigiit erseqqissumik makku suliaqqinniarpaat:**

- Siorarsiorfimmi pilersaarummi inissiat 1600-t inunnut tuusintilinet arlalinnut naatsorsuussat pilersinnerat, taakkununnga ilaalliutik kommunip pigisai 400-t.
- Inissialiornerit ingerlareersut politikikkullu aalajangiuteriikkat naammassinissaat.
- Tunumi inisiatigut periarfissat ataatsimoortumik pilersaarusiornissaat, tamatumunnga ilanngullugit qanoq iliorluni inissiat ullutsinnut naleqqussarneqarsinnaanerisa aamma nalinginnaasumik peqqissutsip pitsanngorsarneranut ilaatigullu tuberkulosip pinaveersaarnissaanut tapertaasinnaanerisa pilersaarusiornerat.
- Arnanut meeralinnut tassanngaannartumik aarlerinartorsioqartunut navianartorsioqqajaasunullu inissialnik pilersitsinissaq.
- Nuummi, Tasiilami Ittoqqortoormiunilu inuusuttunut inissialnik amerlanerik pilersitsinissaq, tassuunakkut inuusuttut ilinniarnermik aallartinnerannut atatillugu angajoqqaaminniit nuunnissamut piviusumik periarfissaqaaqqullugit.
- Kommunimut pilersaarut 2028 tunuliaqutaralugu Paamiut illoqarfiata ineriartornissaa pillugu ataatsimoortumik pilersaarusiornissaq.
- Kommunitsinni nutaanik illuliortunut naleqqiullugu sukkanerusumik suleriaaseqarnissaq, tamatumani pineqarput inigisat nammineq pigisat, piginneqatigiilluni illuliat, namminerisamik illuutit inissiallu tamanut iluaqutaasussamik suliarineqartut. Partiit suleqatigiit isumaqatigiissutigaaq, kommunitsinni nam-



minerisamik illoqarnissaq/ineqarnissaq pilerinarnerulertariaqartoq. Tamatumani Naalackersuisut qanimut suleqatigalugit ineqarnermut iluarsartuusseqqinneq piviusunnngortinniarpaput, nunap sinneranut aammattaq iluaqutaasussamik.

- Ukiup ataatsip ukiullu affaata ingerlanerani Iltoqqortoormiuni kommunip suliffeqarfiutaani tamani nusuttakkanik anartafilersuinissaq tankilinnik.
- Unnuigallartarfutsitsinni angutiit arnallu immikkoortinneqarnissaat.
- Namminersorlutik Oqartussat - A/S Inip isumaqatiginiarnissaat Paamiuni tulliullugulu Nuummi illuutaasa Iserit A/S-imut nuunnissaat pillugit.
- Pisariaqartitsisunut assigiinngitsunut inissianik qularnaarinissaq: inuusuttunut, ilaqutariinnut meerartalinnut, utoqqarnut, ilinniartunut.

## **Kommuneqarfik Sermersuumi eqqumiitsuliornermut, kulturimut, sunngiffimmut timersornermullu naleqqiullugu atugassarititaasut annertusarnissaat**

Inuit Ataqtigiiit aamma Demokraatit piffissami aggersumi eqqumiitsuliornerup kulturillu annertusaaviginissaat kissaatigaat.

Partiit suleqatigiiit siunertaraat kommunip ukiuni aggersuni eqqumiitsuliornermik, eqqumiitsuliorluni assassukkanik kulturikkullu inuunermik inerisaanermut tapiissutissanut anguniagaqarluartumik periusissiorinissaq, sukaasanik sisamanik tunngaveqartussamik: Siullermik nammeneq eqqumiitsulianik eqqumiitsuliorinikkullu tunisassianik suliaqarsinnaanissaq ajornannginerulissaaq. Aappaattut, innuttaasut ulluinarni eqqumiitsulianik, kulturimik kulturikkullu kingornussatsinnik misigisaqarnissamut periarfissaat ajornannginnerussapput. Pingajuattut kommunip, kommunimi kulturikkut suliaqarfiit aamma kommunip innuttaasa pilersitsisartut akornanni suleqatigiinneq attaveqatiginnerlu annertusarneqassaaq. Kiisalu sisamaattullu meeqqat inuusuttullu aamma eqqumiitsuliorlut kulturillu akornanni naapeqatigiinneq pingaaruteqartoq qularnaarneqassaaq. Tamannami tassaassaaq inuunermut tunissutisiaq.

Ullumikkut Kommuneqarfik Sermersooq eqqumiitsuliorinikkut kulturikkullu inuunerup sinaakkutigissaartinnissaa anguniarlugu annertuunik suliniuteqareerpoq, kisiannili annermik Nuup alliarthonera aamma Tunumissaq takornariat amerliarthonerat ilutigalugit, eqqumiitsuliorinikkut kulturikkullu inuuneq uummaarissoq tassaalerpoq sammisaq periarfissarpassualik – aamma niuernikkut. Eqqumiitsulianik kulturimillu misigisassat pitsaasut – kommunimi pinngortitaq ilaatillugu – tassaapput tikeraat takornarissallu annertuumik pilerigisartagaasa ilaat. Taamaamat pineqartut aammattaq salliutinniarnissaat pissutissaqarluarpoq.

Partiit suleqatigiiit aammattaq isumaqarput, kommunimi eqqumiitsuliorinikkut kulturikkullu tunisassiornerup inerisarnissaata periusissionera nunap tamarmi naalagaaffinngorsarneranut peqataassasoq, tassami eqqumiitsuliornerup kikkunerput, suminngaanneernerput sumullu ingerlanerput oqariartuutigisarpaa – suliaq partiit suleqatigiiit peqataaffigilluarumasaat.

**Inuit Ataqtigiiit aamma Demokraatit makku anguniarlugit suliumapput:**

- Kommunalbestyrelsiulersup kulturikkut periusissiamik inerisaanissaa.
- Eqqumiitsuliorinikkut kulturikkullu tunisassiornermut sullivissatut pilersitsinissamut periarfissat ujarthorneqassapput, taakkunani soqutiginnittut, atuaqtigiiit, takornarissat allallu suliat ingerlaneri tunisassiasullu takusinnaassavaat.

- Internet-ikkut niuerfilimmik ataatsimoorussamik nittartagaliortoqassasoq, tassuuna Sermersuumi eqqu-miitsuliornermik kulturikkullu tunisassioortartut imminnut tunisassiaminnillu nittarsaannissaminnut periarfissillugit, aamma isumannaatsumik internet-ikkut niuernissamut periarfissaq ilaatillugu.
- Init sungiusarfiusinnaasut, sulliviit, isiginnaartsitisarfiit mikinerusut, workshoppemissamut atortut allalu pitsaanerususunik sinaakkutissinneqassapput.
- Tunumi kulturikkut inuunneq annertunerusumik isiginiarneqassaaq, ilaatigut atuakkanik atorniartarfik kulturikkut illorsuaaqqatut ineriartortinneqassalluni, nipilersornermut sungiusartarfilerlugu, qalipaaner-mut sananermullu sullivilerlugu, isiginnaartitsisarfeeqarterlugu, saqqummersitsisarfilerlugulu.
- Tunumi eqqumiitsuliorlutik sanaluttartut takornariaqarnerup annertusiartornissaatut ilimagisaasunit periarfissaat qularnaarneqassapput.
- Tasiilami eqqaanilu UNESCO-mit allagarserneqarnissap qinnutiginissaanut pilertortumillu isumannaarnissaanut aningaasaliinissaq.
- Qangaaniilli ileqqut malillugit timmissat amiinik kusanartuliaralugit iikkami nivingassusioriaaseq aamma Nunatta ivigaanik kooriloriaaseq kinguaariinnut tulliuunneq tamatsaalineqarnissaat qularnaarne-qassaaq, misissorneqassallunilu suliaq tamanna Kittaniit ilanngunneqarsinnaanersoq.
- Nuummi filmiliornermut sullivimmik pilersitsinissaq kommunimit aqqutissiuunneqassaaq.
- Qularnaarneqassaaq Kommuneqarfik Sermersuumi suliffeqarfiit kulturileriffiit erseqqissarneqassapput, taakku kulturikkut periusissiamut ilaaleqqullugit. Tamatuma siunertaraa nunap immikkoortuisa ataa-siakkaat kulturikkut immikkut ilisiarnaattaannik ataavartitsinissaq.
- Kalaallit Nunaanni Timersoqatigiit Kattuffiannik suleqatigiinnissamik isumaqatigiissut maleruarneqas-saaq, illoqarfinnilu timersornerup tamarmiusup inerisaavigeqqinnera ataqatigiissarneqassaaq Timersor-nermut Siunnersuisoqatigiit aqqutigalugit.
- Timigissartartut nutaamik maluginiarneqassapput aamma innarluutillit timersuutaat salliutinneqarlu-ni suliniuteqarfigineqassaaq.
- Ukioqatigiiaanut tamanut timersorneq silami illullu iluani.
- Timersornikkut aqqqissuussinerit nunarsuarmut tamarmut peqataaffigiumaneqarsinnaasut, taamaallutil-lu illoqarfik pingaarneq pillugu periusissiami, Nuup illoqarfittut timersorfittut inerisaavigineqarnissaanik anguniakkap piviusunngortinnissaanik qularnaarisinnaasut inerisaavigineqassapput.
- Sunngiffimmi neqeroorutit akeqanngitsut ingerlaannassapput.
- Qitinneq aalanerlu nutaamik maluginiarneqassapput – timersuutinut nalinginnaanerusunut tapertatut.

## Innuuttaaqataasut utoqqaat inuunermi atugarisaasa pitsanngorsarnissaat

Partiit suleqatigiit innuuttaaqatigit utoqqaanerusut tassaatippaat nukissatigit isumalluutit, kissaatigaarpullu inuunermi misilittagaat suliffeqarfitsinni timalikkamik atorneqassasut. Utoqqarnik isumassuinikkut sulinita pitsaassusaata qaffassarnera nangissavarput, sallerpaatillugu sapinngisamik sivilunerpaamik namminneq angerlarsimaffimminniinnarsinnaanerisa qularnaarnerisigut.

- Ulloq-unnuarlu angerlarsimaffimmi ikiorteqartsitinissamik anguniagaq 2017-imi piviusunngortinneqassaaq.
- Atugarissaarnermi teknologiip aamma telemedicinip atorneqarnera inerisarneqaqqissaaq.
- Paaqqinnineq isumassuinerlu ataasiakkaanut tunngasoq ataatsimut isigalugu pitsanngorsarneqassaaq.
- Utoqqarnut naapertuuttunik sammisaqartitsarnerit, aamma nammineq inuunermut atatillugu aalajangiinissamut periarfissat oqartussaaqataanissamullu periarfissat annertunerusut.
- Paamiuni utoqqaat illuat nutaaq maanna sananeqartoq inaarsarneqassaaq aamma Tasiilami Ittoqqortoormiunilu sanaartorneq aallartinneqassaaq.
- Illuliornikkut suliniutini tamani inissat utoqqarnut piukkunnarsakkat ilanngullugit eqqarsaatigineqartassaput.
- Utoqqaat Siunnersuisoqatigiivinik suleqateqarneq inerisartuarneqassaaq
- Maanna siunissamilu utoqqarnut ornittagaqarnikkut pisariaqartitsinerit qulaajarneqassapput.

### Politikkikkut naleqqat allat:

- Kissaatigaarput kommunimut akileraarut minnerpaatut nikisinneqassanngitsaq, aamma assersuutigalugu meeqqerivinnut aamma atuareermermi ornittakkanut akit, piffissami kingullermi akit appartinnerisa kingorna sapinngisamik nikisinneqarnaveersaassasut. Kommunip akigititanut malittarisassai allat, annertoqisut paasiuminaatsullu, missortariaqarput ullutsinnullu naleqqussarneqarlutik.
- Sumilluunniit uumasuuteqarneq annertuumik akisussaaffiliisarpoq, piginnittup naammassiniagassaanik. Uumasuutit amerlavallaat inuttaminnik sumiginnagaasartut amerlasuut suli takussaapput.

Suleqatigiinnisamik isumaqatigiissut partiit Inuit Ataqtigiit aamma Demokraatit akornanni isumaqatigiissutaavoq. Suleqatigiissussat akornanni isumaqatigiissutaavoq qinigaaffik 2017 – 2021 tamaat atuutissasoq, qinigaaffullu qiteqqunnerani nalilersorneqassalluni.

Isumaqatigiissut atsiorneqarpoq oktober 2017:



Aasi Chemnitz Narup

*Inuit Ataqtigiit*



Malene Lyng

*Inuit Ataqtigiit*



Uju Petersen

*Inuit Ataqtigiit*



Inge Olsvig Brandt

*Inuit Ataqtigiit*



Harald Bianco

*Inuit Ataqtigiit*



Charlotte Ludvigsen

*Inuit Ataqtigiit*



Knud Mathiassen

*Inuit Ataqtigiit*



Henrik Rachlev

*Inuit Ataqtigiit*



Rasmine Geisler

*Inuit Ataqtigiit*



Randi Vestergaard Evaldsen

*Demokraatit*



Nivi Olsen

*Demokraatit*



Justus Hansen

*Demokraatit*

## **Ilanngussaq**

**Uannga:** Mala Høy Kuko

**nassiunneqarput ulloq:** 26. september 2017 20:49

**uunga:** Kommuneqarfik Sermersooq [kommuneqarfik@sermersooq.gl](mailto:kommuneqarfik@sermersooq.gl)

**qulequtaq:** Atassut suleqataajunnaarpoq isumaqatigiissumminngaaniit

Aluu Asii Chemnitz Narup

Ullumi marlungornermi kingusissukkut partiiminngaaniit ilisimatinneqarpunga isumannaarlugu

siumumi siulersuunerit qinnuteqaatiga ataatsimiissutigereersimallugu akuerisaasimasunga

ilaasortanngornissannik, taamattumik uppersarsarlugu tamanna kommuunimi Atassut

suleqatigiinnissamik isumaqatigiissuseqarnera taamaatippoq.

Naggataatigut suleqatigiilluarsimanitsinnut qujavunga.

Inussiarnersumik inuulluaqqusillunga

Mala Høy Kuko

## KOMMUNEQARFIK **SERMERSOOQ**

- kommuni illoqarfittut pingaarnersaqarfik siuariartorfiusoq

*Siuariartorneq – Toqqissisimaneq - Inerikkiartorneq*